

Nuummi bussini Wifi-mik akeqanngitsumik atuisoqalernissaa pillugu aalajangiiffigisassatut siunnersuut.

Kommunalbestyrelsimut ilaasortap Mala Høy Kúkop (S) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmut Kiffartuussivik - kommunaldirektøri Lars Møller-Sørensen /LMS

Suliassamik eqikkaaneq

Kommunalbestyrelsimut ilaasortaq Mala Høy Kúko (S) novembarip 5-anni 2018

Kommunalbestyrelsimut aalajangiiffigisassatut Nuummi bussini Wifi-mik akeqanngitsumik atuisoqalernissaa pillugu siunnersuuteqarpoq.

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- Mala Høy Kúko (S) siunnersuutaa Kommunalbestyrelsimi oqaluuserineqassasoq taamatullu suliap ingerlaqqinnissaa aalajangiiffigineqassasoq

Suliassamik saqqummiussineq

Kommunalbestyrelsimut ilaasortaq Mala Høy Kúko (S) novembarip 5-anni 2018

Kommunalbestyrelsimut aalajangiiffigisassatut Nuummi bussini Wifi-mik akeqanngitsumik atuisoqalernissaa pillugu siunnersuuteqarpoq.

Siunnersuuteqarnermut tunngavilersuut:

Nuummi busseqalermalli bussit innuttaasunit atorneqartarsimaqaat. Bussillu Nuuk-p ineriartornerani pinngitsoorneqarsinnaanngillat, nuummi illoqarfinni Kalaallit nunatsinni annertunerpaajulluni sulilu aamma alliartortinneqartuutut ineriartortinneqarmat. Tassa nuussuaq, qinngorput kiisalu kujammut suli allilernerqarnissaminik pilersaarneqarluni. Ukiuni aggersuni bussit atorneqarnerat suli naatsorsuutigineqassavoq atorneqartuarnissaannik.

Inuit bussinik atuiuarsimasut tassaakkajunnerusarput namminneq biilinik angallateqanngitsut. Innuttaasut arlaqarput Nuummi nuussuarmilu kiisalu qinngorpumi najugaqarnerminnik bussinik atuijuaannarsimasut. Nuuk illoqarfiuvoq innuttaasuniit tamanit suliffigisanik annerpaamik inissisimaffeqartoq. Aammami inuttut atorfissaqartinneqartut annerpaartaat Nuuk-mi inissisimammata innuttaasuniit utikajaarfigineqartarpoq. Tassa niuertarfiit assigiinngitsut, napparsimaveqarfik, namminersorerullutik oqartussat, ilinniartoqarfiit, aningaasariviit, oqaluuffiit tassa suliffeqarfiit assigiinngitsorapassuit inissisimammata innuttaasuniit bussinik utikajaarfigineqartarpoq.

Nuussuarmi qinngorpumilu najugaqarsimagaanni inuuniarnermilu annikititsumik isertitaqarsimalluni assartuussinikkut akikinnerpaaq angallat tigusariaqartarpaat tassa bussimik ilaaneq.

Ukiuni kingullerni nunarsuatsinni pissutsit allanngornikuupput. Attaveqaatit sukkasoorujussuarmik inerisaaffigineqarneratigut teknologi nunatsinni eqqunneqarnikuuvoq. Kalaallit amerlanerpaartaat mobilimik angallateqalernikuupput. Kiisalu aamma internetti innuttaasunit atugaanera annertuumik ingerlalerneqarpoq. Tassa nunarsuarmioqatitta aningaasatigut ineriartornerat aamma nunatsinni peqataavoq, sukku tamatigut. Sulisartut amerlasuut internetsi ullutsinni pinngitsoorsinnaajunnaarnikuuvaat, tassa internettikkummi allagarsiat suliffinnut allarpassuarnullu tunngasut pingaaruteqarsinnaasut ullut tamakkiivillugit ingerlanneqartalernikuupput. Kiisalu internettikkut niuernerup silarsuaa nunarsuarmi, kiisalu aamma nunatsinni ammaakkaluttuinnarmat malinnaanissaq innuttaasunit pingaartinneqartorujussuannngornikuuvoq. Tassa innuttaasut internetsikkut aasiigiinngitsutigut malinnaanerat pinngitsoorneqarsinnaajunnaarnikuuvoq.

Ukiunilu aggersuni Nuuk mittarfeqarnikkut inerisarneratigut suli internetti atugaanera milliartortussaassanngitsoq naatsorsuutigineqartussaassavoq. Turistillu nunamiullu allat tikittartut nuummut ukiuni aggersuni naatsorsuutigineqassavoq suli amerlanerulertussaassaneranni takorloorneqarsinnaassavoq. Uagullu politikkerit illoqarfiup pilerinarsarlugu kajuminnarsarlugulu suliaqartussaagatta, kiisalu periutsinik pitsaasinnaasunik nutaanik innuttaasut iluaqutigisassaannik ugartuijuartussaagatta siunnersuutiginiagara imminermini tupinnarpallaarnaviannngitsoq takusinnaavara.

Taammaamat massakkut bussini innuttaasunit ilaaffigineqartartuni akeqanngitsumik internettimik atuisoqarsinnaanngornissaanik siunnersuuteqarpunga. Neriutigaaralu kommunalbestyrelse tunngavilersuutinnik paasinnillutik siunnersuutiga ataatsimiititaliamut misissugassanngortillugu ingerlateqqissagaat.

Aaqqiissutissatut siunnersuut – suliatigut naliliineq

Borgmesterip Allatseqarfiata innersuussutigaa, siunnersuut ataatsimiititamut susassaartumut ingerlateqqinneqassanersoq Kommunalbestyrelsimi aalajangerneqassasoq.

Aningaasaqarnikkut sulisoqarnikkullu naliliinerit

Aningaasatigut sulisoqarnikkullu naliliinerit, suliap ataatsimiititamut susassaartumut ingerlateqqinnissaanut, Kommunalbestyrelsip aalajangiinerani suliamut ilaatinneqassapput.

Inatsisitigut tunngavissaq allakkallu tunngaviusumik uppernarsaatitalit

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussisinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat sukkulluunniit malinneqartussaataasut pillugit kommunalbestyrelsimut nalunaaruteqassapput.

Kommunalbestyrelsip suleriaasissaatut aalajangersagaq §3:

Ilaasortaq, kingusinnerpaamik ataatsimiiffissaq sioqqullugu ullut 14-it qaangiutsinnagit suliassamik suliarinneqqusilluni allakkatigut qinnuteqassaaq, suliassaq taanna borgmesterip ileqquusumik ataatsimiinnissap tullianut oqaluuserisassanut ilanngutissavaa.

Ingerlariaqqinnissaq

Kommunalbestyrelsip aalajangernera Borgmesterip Allatseqarfianit allaffissornikkut suliarineqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinniit allaniit oqaaseqaatigineqartut

Ingerlatsivinnit allanit oqaaseqartitsisoqanngilaq.

Ilanngussat

Soqanngilaq